



KANTONALNI ZAVOD ZA ZAŠTITU
KULTURNO-HISTORIJSKOG I PRIRODNOG NASLIJEĐA
SARAJEVO

INSTITUTE FOR THE PROTECTION OF CULTURAL, HISTORICAL
AND NATURAL HERITAGE OF CANTON SARAJEVO

Broj: 04-02-712-1/25

Datum: 22.09.2025. g.

ZAPISNIK

Sa 2. sjednice v.d. Upravnog odbora JU "Kantonalnog Zavoda za zaštitu kulturno-historijskog i prirodnog naslijeđa Sarajevo" održane u prostorijama Zavoda u ponedjeljak, dana 22.09.2025. godine, sa početkom u 10:00 sati.

Sjednici su prisustvovali: Azra Koldžo, predsjednica Upravnog odbora, te članice Selma Karačević-Kapić, Elša Turkušić-Jurić, Azra Sarić i Ivona Čolić.

Predsjednica Upravnog odbora Azra Koldžo predložila je sljedeći Dnevni red za usvajanje:

DNEVNI RED

1. Usvajanje zapisnika sa 1. sjednice Upravnog odbora,
2. Ovlaštenje za potpis akata iz radnih odnosa,
3. Zahtjev za izdavanje saglasnosti za prijem radnika u radni odnos na neodređeno vrijeme u JU Kantonalni zavod za zaštitu kulturno-historijskog i prirodnog naslijeđa Sarajevo i
4. Ostalo.

Dnevni red je jednoglasno usvojen.

AD – 1 Usvaja se zapisnik sa 1. sjednice v.d. Upravnog odbora, održane 29.08. 2025. godine.

AD – 2 Upravni odbor je razmatrao pitanje potpisivanja akata iz radnog odnosa, imajući u vidu da je mjesto direktora JU Kantonalni zavod za zaštitu kulturno-historijskog i prirodnog naslijeđa Sarajevo upražnjeno, te da ne postoji druga ovlaštena osoba koja bi mogla potpisivati akte neophodne za ostvarivanje prava uposlenika. Nakon razmatranja, Upravni odbor donosi odluku kojom ovlašćuje Azru Koldžo, v.d. predsjednicu Upravnog odbora JU Kantonalni zavod za zaštitu kulturno-historijskog i prirodnog naslijeđa Sarajevo, za potpisivanje tipskih akata koji se odnose na prava i obaveze uposlenika (ših liste, topli obrok, prevoz, godišnji odmor, regres i sl.), do imenovanja direktora ili vršioca dužnosti direktora.

AD – 3 Upravni odbor je razmatrao Zahtjev za izdavanje saglasnosti za prijem radnika na neodređeno vrijeme na radno mjesto Tehnički sekretar u JU Kantonalni zavod za zaštitu kulturno-historijskog i prirodnog naslijeđa Sarajevo. Nakon razmatranja dostavljenog materijala i obrazloženja o potrebi trajnog popunjavanja radnog mjesta zbog isteka ugovora o radu na određeno vrijeme, Upravni odbor je jednoglasno donio odluku da se Ministarstvu kulture i sporta Kantona Sarajevo uputi zahtjev za izdavanje saglasnosti za prijem radnika na neodređeno vrijeme na navedenu poziciju.

AD – 4 Upravni odbor je razmatrao situaciju u vezi s imenovanjem vršioca dužnosti direktora i procedurom izbora direktora JU Kantonalni zavod za zaštitu kulturno-historijskog i prirodnog naslijeđa Sarajevo. Utvrđeno je da odgovarajući kandidat za vršioca dužnosti direktora prihvata mandat u trajanju od tri mjeseca, dok instrukcija Ministarstva kulture i sporta Kantona Sarajevo navodi mogućnost imenovanja na period do šest mjeseci.



**KANTONALNI ZAVOD ZA ZAŠTITU
KULTURNO-HISTORIJSKOG I PRIRODNOG NASLIJEĐA
SARAJEVO**

INSTITUTE FOR THE PROTECTION OF CULTURAL-HISTORICAL
AND NATURAL HERITAGE OF CANTON SARAJEVO

Također je istaknuto da je na snazi Zaključak Vlade Kantona Sarajevo o moratoriju na zapošljavanje koji se odnosi i na postupak izbora direktora Zavoda. Zavod je u martu 2025. godine uputio Ministarstvu zahtjev za davanje saglasnosti za raspisivanje konkursa za direktora, ali do danas nije dobio odgovor, čime je izvjesnost provođenja procedure izbora direktora dodatno dovedena u pitanje. Predsjednica Upravnog odbora je obavijestila prisutne da je, zajedno s članicom Upravnog odbora Selmom Karačević-Kapić, uputila prijedlog Pravnoj službi Ministarstva za održavanje sastanka na ovu temu, s ciljem pronalaska rješenja koje će omogućiti zakonito i funkcionalno djelovanje Zavoda do okončanja postupka imenovanja direktora.

Sjednica je zaključena u 11:00 sati

**Zapisnik pripremila
Selma Karačević – Kapić**

**v.d. Predsjednica Upravnog odbora
Azra Koldžo**

Dostaviti:

1. Ministarstvu kulture i sporta Kantona Sarajevo,
2. Članovima upravnog odbora (elektronskim putem),
3. Stručnom saradniku za JN, obračun i likvidaturu,
4. Arhivi UO,
5. Arhivi Zavoda.